

# EFESUS

## Pepa Paulo ñgere panzi kalo-tawana tamâta simo Efesus lawea

*Paulo imo luma sakamao ilo ñana ne wurâta ñana itula pâri ara kê, ande ñgere ñgua ñine ilâ panzi kalo-tawana tamâta simo Efesus lawea lâ Esia tâno (Pâri Tamâta 24:27). I muña imo Efesus lawea mbwani rua (Pâri Tamâta 18:18-21, 19). Ñgere ñgua ñine ñana ipu tini kaika panzi kalo-tawana tamâta. Ipanananzi tu kinda rârâni tamo togo Yesu kie-mbalau mine, anga Yesu nde imo kulu-kâmba pa kinda. Aku itula vetâña arara pinde panzi tona ñana kinzi ma sipaveta kuku. Paulo iporo ñgua ñana kekekele pinde ikura tu ivila kinda lâ zo ñana Sadana ikai kazâña pa kinda (6:10-18).*

<sup>1</sup> Naña Paulo, naña amo Yesu Kirisi ne pâri-tamâta ikura Maro Kindeni ne pateâña mine. Naña angere ñgua lâ pepa ñine tini imâ pa miki Maro Kindeni ne tamâta kamo Efesus lawea, miki ñinde kapaipa kuku Yesu Kirisi lâ kala uru kamandi kaika nâ.

<sup>2</sup> Kinda Tamânda Maro Kindeni anga Maro Njalae Yesu Kirisi rua nenzi wisi-wisi wa wisi-pisi wa imâ pami.

*Kinda kalonda tawana Kirisi, kala Maro Kindeni samba ne kekekele arara rârâni ilua kinda lâ*

<sup>3</sup> Tapanea nenda Maro Njalae Yesu Kirisi ne Maro Kindeni, ina Yesu Tama. Kinda tapaipa kuku Kirisi lâ, aku nana duvi ninde kâ Maro Kindeni iveta kie ara pa kinda ku samba ne kelekele arara rârâni ilua kinda marumbu lâ.

<sup>4</sup> I iveta kie ara pa kinda mine: nia ndoyo, lâ zo ninde Maro Kindeni ndandai ipulia tâno ipângga nga, ande ipatea kinda muḅgani lâ nana tapaipa kuku Kirisi kâ. Ipatea tu kinda ma tamo i tamwata ne tamâta ku ma tamo ilonda mbâra-mbâra ndo lâ i nao, nenda soki tonje tia.

<sup>5</sup> Maro Kindeni ilo ndo keno pa kinda. Mine kala nia ndoyo ipatea tu Yesu Kirisi ma iveta kinda tapângga tamo i tamwata natu wukale. Maro Kindeni ilo pateo tu ma iveta mine, kala iveta lâ.

<sup>6</sup> Maro Kindeni ne wisi-wisi nde njalae tina ku ara ndo, aku i io ninde imâ pa kinda itogo wisi-ara mine, ne kulu tia. Maro Kindeni itula ne wisi-wisi ninde pwataki lâ i Natu tini, natuni ninde i tini mwasa ndo papa. Mine nde ara nana kinda ma tapanea Maro Kindeni tasuka i na kâki.

<sup>7</sup> Maro Kindeni ne wisi-wisi nde njalae ndo! Mine kala io Yesu Kirisi ilâ imâte nana iko kinda piti lâ kondoma ilo, aku i see ninde izavaru kiesaka piti lâ tininda.

<sup>8</sup> Mao nâ, Maro Kindeni ne ilo-kalo nde njalae tina ku ara ndo. Mine kala io ne wisi-wisi imâ more-more njalae pa kinda lâ.

<sup>9</sup> Muḅgani, Maro Kindeni ne pateâḅa ikeno paveâḅa nâ, andeta nia ndoyo i ipatea tu Yesu Kirisi ma itula ninde pwataki pa kinda.

<sup>10</sup> Maro Kindeni ne pateâḅa ninde nde mine;

muli nga, lâ zo sondo ndo, ande i ma igona kelekele rârâni muŋga ipulianzi n̄inde ku ma ionzi simo lâ taitu. N̄ineŋga i ma io Kirisi ikai maro pa samba wa tâno nenzi kelekele n̄inde rârâni.

<sup>11</sup> Maro Kindeni uru iveta ikura i tamwata ne pateâŋa nâ. Aku nanayoni, lâ nia ndoyo, ande i tamwata ipatea tu maka Juda tamâta pinde ma kapaipa kuku Kirisi ku kamo Maro Kindeni ne ŋgu mao.

<sup>12</sup> Ipatea tu maka Juda tamâta ma kamun̄ga panzi tamâta rârâni n̄ana kaloma tawana Kirisi ku kao tinima papa i tu ma iveta kie ara pama. I ilo tu maka ma kapanea i kasuka ŋa kâki.

<sup>13</sup> Maka kamo lee ku muli, n̄ineŋga miki tamâta lâ tinikoa ŋgu kaloŋo pâri ara lâ, aku ŋgua mao n̄inde iyautemi piti lâ kondoma ilo. Lâ zo n̄inde, miki kala kapâŋga Maro Kindeni ne ŋgu mao, katogo maka mine. Miki kao nemi kalo-tawana ilâ pa Kirisi lâ, n̄ineŋga Maro Kindeni ipono muli pa i ne ŋgua pâŋa muŋgâŋa kala io Koroani Sapâŋa imâ imo miki ilomi, itogo kilala ton̄ge n̄ana itula pwataki tu miki kamo i ne tamâta sondo.

<sup>14</sup> Muŋgani Maro Kindeni ipa ŋgua tu ma iveta kie ara nâ panzi ne tamâta, aku Koroani Sapâŋa itula pwataki tu ŋgua pâŋa n̄inde ma ipâŋga kanaŋo mao pa kinda. Mine kala kinda tasama tu muli, ande i ma ikai ne tamâta kinda talâ tamo ara ndo kuku i. Tapanea i tasuka ŋa kâki!

*Paulo ino pa Maro Kindeni tu i ma itula ilokalo ara panzi Efesus ŋgu*

<sup>15-16</sup> Maro Kindeni iveta ne ngua pânja njinde ipânja kanaŋo pa miki lâ. Mine kala naŋa uru kawânğu ndanđe ilâ pa Maro Kindeni nana miki kâ. Munğa, lâ zo njinde naŋa aloŋo parinami tu miki kalomi tawana Yesu Kirisi ku kao ilomi ndo ilâ panzi Maro Kindeni ne tamâta rârâni, ande naŋa kawânğu ndanđe papa i mine nâ. Aku kawânğu ndanđe mine lee ikura lâ zo njine. Naŋa uru kalonđu ngere njanami lâ zo rârâni naŋa akai noŋa papa i.

<sup>17</sup> Naŋa uru ano pa nenda Maro Njalae Yesu Kirisi ne Maro Kindeni, ina kinda Tamânda, aku i ara tamwata. Naŋa ano tu i ne Koroani Sapânja ma ipananami nana i ne vetânja kâ, aku naŋa ano tu Koroani Sapânja ma itula Maro Kindeni tamwata kilala pwataki pami tona, nana miki ma kasama i kilala sondo kâ.

<sup>18</sup> Naŋa uru ano papa i tu ma io ne sinâla imâ ipane ilomi kalomi. Ambo i ma iveta mine, njineŋga miki ma kasama kelekele nŋato njine: miki ma kasama tu kinda ma muli tamo kuku i, aku i ilo tu miki ma kao tinimi sondo ndo nana zo njinde kâ; anğa miki ma kasama tu i ma iveta kie ara ndo panzi ne tamâta, ikura ne ngua pânja munğânja mine;

<sup>19</sup> anğa miki ma kasama tu i ne walo kaika uru iveta wurâta lâ i ne kalo-tawana tamâta kinda ilonda kalonda, aku walo kaika njinde nde njalae tina. Walo tonđe ipakura kuku i ne walo njinde, ande tia ndo. Nanayoni ikai ne walo kaika ndainani nâ,

<sup>20</sup> aku ipaŋo Yesu Kirisi imandi lâ mateŋa nianzi imo via kilo, njineŋga io i isaŋona pa i tini

pa wia kâ lâ samba lawea.

<sup>21</sup> Kirisi imo ikai maro mine lâ samba lawea, aku ipolenzi koroani kaika kie-kie rârâni simo lâ nia maa sikai poe pa kelekele kie-kie. I ña ñalae ndo, ipole ñoa rârâni lâ nia ndoni, lâ zo ñine wa zo muli-muli mine nâ.

<sup>22</sup> Maro Kindeni io Kirisi ikai Maro Ñalae pa kelekele ñinde rârâni, aku ipatea tu kinzi kalo-tawana tamâta ñgu rârâni ma simo i kalo tona.

<sup>23</sup> Kinzi kalo-tawana tamâta ñgu nde simo sitogo Kirisi kie-mbalau mwasina, aku sipipi ndo lâ i ilo, itogo i kala uru ipazeze tamwata lâ kelekele rârâni ilonzi ku ipipi ndo lâ ilonzi mine nâ.

## 2

*Munğa kinda tamo tatogonzi mateña tamâta mine, andeta Maro Kindeni via mao ilua kinda lâ*

<sup>1</sup> Munğa, ande miki kapaveta kuku vetâña soki wa kiesaka kie-kie wa. Mine kala lâ zo munğâña ñinde miki kamo katogonzi mateña tamâta mine lâ Maro Kindeni nao.

<sup>2</sup> Lâ zo munğâña ñinde, ande miki kapaveta kuku tâno ñine ne mâsi sakamao. Miki kapono muli pa koroani saka nenzi koipu Sadana, ina kala uru ikai poe panzi koroani saka ñinde kala simo tava nenzi kaika lâ nia maa. Aku Sadana nde koroani ndainani uru ikai poe pa tamâta pinde ilonzi kalonzi lâ zo ñine tona, kinzi ñinde tañanzi kaika pa Maro Kindeni.

<sup>3</sup> Mao nâ, munğa kinda rârâni tamo tatogonzi tamâta ñinde, aku tapaveta kuku ilo-kalo sinğa nâ. Lâ zo ñinde kinda taveta vetâña ndia

warakânda ilonda pateva tu taveta. Mine kala lâ zo muŋgâŋa nŋinde, ande kinda kala tamo tamâta ŋana takai Maro Kindeni ne wisi-nâna kâ, itogo nenda vetâŋa soki-soki nŋinde ne kulu mine.

<sup>4-5</sup> Mao kanaŋo, kinda warakânda nenda kiesaka nŋinde iveta kinda tapâŋga tatogonzi mateŋa tamâta mine lâ Maro Kindeni nao. Taitu Maro Kindeni ne kalo-sukâŋa wa tini-mwasa pa kinda nde ŋalae tina. Mine kala lâ zo muŋgâŋa nŋinde, ande i via mao ilua kinda lâ, itogo via mao nŋinde muŋga ilua Kirisi mine. Maro Kindeni nde wisi-wisi warika, aku ŋana duvi nŋinde kâ iyaute kinda piti lâ kondoma ilo.

<sup>6</sup> Kinda tapaipa kuku Kirisi lâ, aku nŋine itogo Maro Kindeni ipaŋo kinda tamandi tamo viânda kilo kuku Kirisi, aku itogo Maro Kindeni io kinda takai maro kuku Kirisi lâ samba lawea.

<sup>7</sup> I ne vetâŋa ara nŋinde nde duvi mine; i ilo tu tamâta ndoni lâ zo muli-muli ma sisama tu i ne wisi-wisi nde ŋalae tina. Aku Yesu Kirisi ne tini-mwasa pa kinda itula Maro Kindeni ne wisi-wisi nŋinde kilala pwataki.

<sup>8</sup> Miki kao nemi kalo-tawana ilâ pa Kirisi lâ. Mine kala ŋana Maro Kindeni ne wisi-wisi nŋinde kâ, ande iyautemi piti lâ kondoma ilo marumbu lâ. Miki kakura ŋana kapavila warakami mine, ande tia ndo. Nŋinde Maro Kindeni iveta pami itogo i ne wisi-ara mine.

<sup>9</sup> Miki nemi vetâŋa ara pinde ŋandai igagati Maro Kindeni ŋana iyautemi piti lâ kondoma ilo ŋga. Mine kala tamâta tonŋe ikura ŋana ipasuka tamwata tini ŋana i tamwata ne vetâŋa

ara pinde kâ, ande tia.

<sup>10</sup> Kinda tapaipa kuku Yesu Kirisi lâ. Mine kala Maro Kindeni iveta kinda tapânga tamâta wasaseki, ñana ma taveta vetâña arara ikura zo rârâni. Aku i nanayoni ipatea vetâña arara ñinde pa kinda tu taveta kâ.

*Kirisi ipupu kazâña imâte lâ, aku ivetanzi ngu rua simo taitu*

<sup>11</sup> Miki tinami-tamami simo lâ ngu pinde. Mine kala miki nde Juda tamâta tia. Aku miki kasama tu kinzi Juda tamâta uru siporo tu, “Maka nde Maro Kindeni ne ngu sondo, ñana tu maka kakai karae-veña ne mâsi lâ tinima.” Andeta kinzi uru siporo ngua ñana miki tamâta lâ tinikoa ngu mine tu, “Kinzi nde Maro Kindeni ne ngu tia, ñana tu kinzi ñandai sikai karae-veña ne mâsi lâ tininzi nga”. Andeta ngua kaña mine nde ngua kaa nâ ñana tamâta nâ nenzi mâsi kâ. Mine kala ara ñana miki ma kalomi ñgere sondo ñana ñine kâ;

<sup>12</sup> Muñgani, miki kamo lâ tinikoa ngu, aku miki kasama Kirisi kilala tia. Lâ zo ñinde miki kamo lombo nâ, ñana tu miki kamo piti ndo ñana Maro Kindeni ne pateâña tamâta simo lâ Isrel ngu. Lâ zo muñgâña ñinde miki kamo niaka ñana Maro Kindeni ne ngua pâña kâ. Miki kazizâla ñana Maro Kindeni kâ, aku miki kakura tu kao tinimi ñana vetâña ara tonje tu ma imâ ipânga pami lâ zo muli kâ, ande tia.

<sup>13</sup> Muñga miki kamo malawae mine. Taitu lâ zo ñine, ande miki kapaipa kuku Yesu Kirisi lâ,

aku Kirisi ipaliŋi i tamwata see tu ikai nzâla piti pami ŋana kalâ kamo i tini laiti.

<sup>14-15</sup> Kirisi tamwata nde wisi-pisi warika. Mine nde ina iveta maka Juda ŋgu kamo iloma taitu kunzi tinikoa ŋgu. Muŋga Juda ŋgu sikai kazâŋa panzi ŋgu pinde rârâni, aku kazâŋa ŋinde iveta Mose ne ŋgua tukuŋa ipâŋga itogo ŋgumbi ŋana ipunzi pwapwataki simo piti piti. Andeta Yesu Kirisi ne mateŋa ipu ŋgumbi ŋinde pwataki lâ, aku izavaru kazâŋa ŋinde piti lâ. Aku lâ zoni ndaina, ande Kirisi izavaru walo piti lâ Mose ne ŋgua tukuŋa tava ŋgua tukuŋa kiri-kiri pinde rârâni tona. I ne vetâŋa ŋinde nde duvi mine; i ilo tu igonanzi ŋgu rua ŋinde sipasipa lâ taitu kuku i, ku ivetanzi sipâŋga ŋgu wasaseki. Aku i ne vetâŋa ŋinde iveta kinda tamo tava wisinda pisi nâ.

<sup>16</sup> Kirisi imâte lâ kâi popole tini ŋana itunzi ŋgu rua ŋinde simo lâ see ŋgu taitu, aku imâte ŋana ikainzi sitaulo simâ pa Maro Kindeni kilo. Aku lâ kâi popole tini, ande ipupu kazâŋa muŋga ikeno tamâta ŋgininzi ŋinde imâte ndo lâ.

<sup>17</sup> Kirisi imâ lâ, aku itula pâri ara ŋana i ne wisi-pisi kâ pwataki pa miki tinikoa ŋgu, miki ŋinde muŋga kamo malawae ndo ŋana Maro Kindeni kâ. Aku itula pâri ara ndainani nâ panzi Juda ŋgu tona, kinzi ŋinde muŋga simo Maro Kindeni tini laiti.

<sup>18</sup> Kirisi igona kinda rârâni tamo see ŋgu taitu nâ. Mine kala Koroani Sapâŋa taituni ŋinde uru ivila kinda rârâni, maka Juda tamâta wa miki tamâta lâ tinikoa ŋgu wa, ŋana kinda takura tu tamandi Tamânda Maro Kindeni nao.



*Kinda kalo-tawana tamâta rârâni nde tamo Maro Kindeni natu wukale*

<sup>19</sup> Mine kala lâ zo ñine, ande miki tamâta lâ tinikoa ñgu kamo katogonzi tamâta lombo mine, ande tia. Miki kamo lâ ñgu taitu kunzi Maro Kindeni ne kalo-tawana tamâta, kala kamo katogo i natu wukale mine.

<sup>20</sup> Miki katogo luma tonje Maro Kindeni ipa kâki mine. I muŋga ingunu maka pâri-tamâta tavanzi ñgua-tulâña tamâta kamo katogo luma ñinde ne ñgunu-ñgunu. Anja Yesu Kirisi tamwata nde imo luma ñinde ne ñgunu-ñgunu tiña mao.

<sup>21</sup> Luma ñinde ne tuka rârâni nde sipasenje lâ taitu ku sipaipa ndo kuku Kirisi nâ. Aku Maro Kindeni ñandai iveta luma ñinde ndoni marumbu ñga. I ma imo ipa luma ñinde kâki lee, ikura lâ zo ndia luma ñinde ma ipâŋga itogo Maro Nalae tamwata ne luma sapâña mao mine.

<sup>22</sup> Aku miki kala kapaipa kuku Kirisi mine nâ. Mine kala Maro Kindeni igona miki kamâ kamo taitu kunzi kalo-tawana tamâta rârâni. Miki rârâni kapâŋga katogo Maro Kindeni ne luma mao, aku i tamwata ne Koroani Sapâña uru imo luma ñinde ilo.

### 3

*Paulo ne wurâta nde ñana itula pâri ara panzi tamâta lâ tinikoa ñgu*

*Kolosi 1:24-27*

<sup>1</sup> Miki rârâni kapâŋga katogo Maro Kindeni ne luma mao mine, aku ñana duvi ñinde kâ naña Paulo uru akai noña papa i tu ma ivilami. Kala zo

ņine naņa amo luma sakamao ilo, ņana tu naņa aveta wurâta pa Yesu Kirisi ņana atula pâri ara pa miki tamâta lâ tinikoa ņgu.

<sup>2</sup> Naņa atu miki kalonjo naņa parinângu tâ. Maro Kindeni ipatea naņa tu ma aveta wurâta ņine ņana avila miki kê, aku ņine itula pwataki tu i ne wisi-wisi ikeno pa naņa.

<sup>3</sup> Maro Kindeni tamwata itula ne vetâņa paveâņa ņinde pwataki pa naņa marumbu lâ. Naņa munğa nâ anğere ņgua mbuku taitu pami ņana ņine kê.

<sup>4</sup> Ambo miki ma kaponon ņgua ņinde sondo, ande ma kasama tu naņa asama Kirisi ne vetâņa paveâņa ņinde kilala sondo lâ.

<sup>5</sup> Lâ zo munğâņa rârâni, ande Maro Kindeni ņandai itula vetâņa paveâņa ņinde ipâņa nia yo panzi tamâta ņa. Anğa lâ zo ņine, ande Maro Kindeni ne Koroani Sapâņa itula ņine pwataki lâ panzi ne pâri-tamâta wa kinzi ņgua-tulâņa tamâta wa, kinzi ņinde i munğa ipateanzi papa i tamwata.

<sup>6</sup> Maro Kindeni ne vetâņa paveâņa ņinde ande mine; pâri ara ikai nzâla piti pa miki tamâta lâ tinikoa ņgu, ņana miki kakura tu kapâņa kamo lâ see ņgu taitu kuku maka Juda tamâta. Mine kala Maro Kindeni ne vetâņa ara imâ pa miki tona, aku Yesu Kirisi iveta Maro Kindeni ne ņgua pâņa munğâņa ņinde ipâņa kano pa kinda rârâni.

<sup>7</sup> Maro Kindeni io ne wisi-wisi imâ pa naņa itogo wisi-ara mine, ne kulu tia. Aku ņana i ne wisi-wisi ņinde kê ande ipatea naņa apâņa i ne wurâta tamâta ņana atula pâri ara ņine kê. I

ne walo kaika nde iveta wisi-wisi ñinde imâ pa naña.

<sup>8</sup> Naña amo atogo tamâta kaa nâ lâ Maro Kindeni ne tamâta rârâni naonzi. Taitu i ne wisi-wisi imâ pa naña lâ, kala i wurâta ara ñinde ilua naña ñana atula pâri ara panzi tamâta lâ tinikoa ñgu. Pâri ara ñinde nde ara ndo, aku ipânga kelekele ñalae tina kala ipole kinda tamâta nenda ilo-kalo.

<sup>9</sup> Aku Maro Kindeni wurâta ara tonge kilo kala ilana tona. Ñinde nde wurâta ñana atula pwataki tu i ma iveta vetâña paveâña ñinde mâsi mana. Maro Kindeni, inani nia ndoyo ipulianzi kelekele rârâni sipânga lâ, ande ipatea tu i ne vetâña ñinde ma ikeno paveâña nâ ikura zo muṅgâña rârâni.

<sup>10</sup> I wurâta ñinde ilua naña ñana duvi ñine kâ; i ilo tu lâ zo ñine, ande i ne kalo-tawana tamâta ñgu ma situla i ne ilo-kalo kie-kie rârâni pwataki panzi koroani kaika simo samba ilo.

<sup>11</sup> Nia ndoyo, Maro Kindeni ipatea tu nenda Maro Ñalae Yesu Kirisi ma ikai nzâla piti panzi i ne ñgu ñana situla ilo-kalo ñinde pwataki kâ, ande kala vetâñani ndaina nde ipânga lâ, ikura Maro Kindeni ne pateâña mine.

<sup>12</sup> Kinda kalonda tawana Kirisi, aku tapaipa kuku i lâ. Mine kala lâ zo ndia tamandi Maro Kindeni nao, ande kinda taruru tia. Kinda tasama tu i ma ilo ara nâ pa kinda.

<sup>13</sup> Mine kala ñine naña ano pami tu miki ma ilomi malia ñana nâna ñine naña uru akai ñana avilami kâ, mine ndimo. Ara ñana miki ma kandeka nâ, ñana tu nanenṅu nâna ñine itula

pwataki tu Maro Kindeni iveta kie ara pami lâ.

*Paulo ikai noŋa pa Maro Kindeni tu ma ivilanzi Efesus ŋgu ŋana simandi kaika kâ*

<sup>14</sup> Naŋa uru kalonġu ŋgere ŋana vetâŋa ara ŋinde kindi Tamânda muŋga iveta pami, aku ŋine igagati ilonġu kalonġu ŋana apare tukunġu ndue akai noŋa papa i.

<sup>15</sup> I tamwata ŋa nde ikeno ne ŋgu rârâni tininzi, kinzi aŋelo ŋinde simo samba ilo wa kindi tamâta ŋine tamo tâno kulu wa. I nde kindi rârâni Tamânda.

<sup>16</sup> I imo samba ilo, aku ikura tu iveta vetâŋa arara kie-kie. Mine kala naŋa ano papa i tu i ne Koroani Sapâŋa ma io ne walo kaika lâ ilomi kalomi, ŋana miki ma kakura tu kamandi kaika nâ.

<sup>17</sup> Ninenġa nemi kalo-tawana ma ilâ sondo pa Kirisi, aku i ma imo ilomi. Aku naŋa ano papa Maro Kindeni tu miki ma tinimi mwasa ndo panzi tamâta rârâni, aku nemi tini-mwasa ŋinde ma isukami ŋana kamandi kaika kâ.

<sup>18</sup> Ambo miki ma kamo mine, ande miki katavanzi Maro Kindeni ne tamâta rârâni ma kakura tu kasama Kirisi ne tini-mwasa ŋinde kilala sondo. I ne tini-mwasa ŋinde nde ŋalae ndo.

<sup>19</sup> Mao nâ, Kirisi ne tini-mwasa ŋinde nde ipole kindi tamâta nenda ilo-kalo marumbu lâ. Ambo miki ma kasama tini-mwasa ŋinde kilala sondo, ande Maro Kindeni tamwata kilala ma ipipi ndo lâ ilomi kalomi.

<sup>20</sup> Maro Kindeni tamwata ne walo kaika uru ikai wurâta lâ ilonda kalonda, aku walo kaika

ņinde nde ņalae ndo. Mine kala vetâņa ndia ilonda pateva tu ma tano papa Maro Kindeni ņana iveta kâ, ande i ikura ndo ņana iveta vetâņa ņinde rârâni. ņinde nde wurâta ņalae papa i nde tia, ņana tu i ne walo ipole kinda nenda ilokalo marumbu lâ.

<sup>21</sup> Mine nde ara ņana kinda kalo-tawana tamâta rârâni ma talâ taitu kuku Yesu Kirisi ku tapanea Maro Kindeni tasuka i ņa kâki, ma taveta mine ku tamo nâ. Mao.

## 4

### *Kinda kalo-tawana tamâta tamo tatogo Kirisi kie-mbalau mine*

<sup>1</sup> Mine kala miki kaloņo sondu ņga. Naņa uru aveta wurâta pa Maro ņalae, aku ņana duvi ņine kâ naņa amo luma sakamao ilo. Mine kala naņa atu apano ilomi kalomi, ņana miki ma kapaveta kuku vetâņa arara nâ, ikura Maro Kindeni ipatea pami lâ zo ņinde isarâwa pami tu kao nemi kalo-tawana ilâ papa i.

<sup>2</sup> Ikura zo zo miki taitu-taitu ma kapatawa warakami tinimi, aku kamo mwasa nâ kunzi nimi-nambwe kalo-tawana tamâta. Miki ma wisimi nâna walele panzi ņana vetâņa soki siveta pami, mine ndimo. Miki ilomi ndo ikeno panzi; mine nde miki ma kazavaru nenzi vetâņa soki ņinde piti lâ.

<sup>3</sup> Koroani Sapâņa ikura tu ivetami kamo ilomi kalomi taitu nâ. I ne wisi-pisi nde imo kumi, aku wisi-pisi ņinde itogo wâlo ņana ipa miki kamo ņgu taitu. Mine nde ara ņana miki ma

kaveta wurâta kaika ñana kamo ilomi kalomi taitu mine.

<sup>4</sup>Kinda kalo-tawana tamâta tamo see ñgu taitu nâ, aku Koroani Sapâña taitu nâ imo. Aku mine nâ, Maro Kindeni ilo tu miki ma kamâ taitu ku kao tinimi pa i tu ma iveta kie ara pami, ikura muñga itula pwataki mine, lâ zo ñinde isarâwa pami tu kalomi tawana i.

<sup>5</sup>Maro Ñalae taitu nâ imo, anga kalo-tawana taitu nâ ikeno, anga lââ-liliña taitu nâ ikeno.

<sup>6</sup>Aku Maro Kindeni taitu nâ imo, ina kinda tamâta rârâni Tamânda. Ikai maro pa kinda rârâni wa, imo isala kinda rârâni wa, imo kinda rârâni ilonda wa.

<sup>7</sup>Taitu Maro Kindeni io ne wisi-wisi ñalae ñinde imâ pa kinda taitu-taitu ñana taveta wurâta pinde, ikura Kirisi iwae pa kinda mine.

<sup>8</sup>Ñana duvi ñinde kê, Maro Kindeni kawa ñgua ikeno lâ pepa tini mine tu,

“Ikâki ilâ imo âta ndo, aku lâ zo ñinde ikainzi ne kazâña tamâta soka muli silâ, kinzi ñinde muñga ipolenzi lâ paraña ilo ku wâlo nâ ipanzi kaika lâ. Andeta iwae wisi-ara panzi ne tamâta.”

<sup>9</sup>(Ñgua ikeno mine tu, “Ikâki ilâ imo âta ndo”, aku ñine itula pwataki tu Kirisi muñga indue ilâ tâno ilo pa lâmbu ndo.

<sup>10</sup>Mine kala kinda tasama tu Kirisi muñga indue imâ, aku muli inani kala ikâki ilâ kilo. Ikâki ilâ imo nia maa ikeno âta ñinde kulu. Mine kala ikura ñana imo nia ndoni.)

<sup>11</sup>Aku inani muñga ipatea wurâta panzi ne tamâta. Ipateanzi tamâta pinde ñana ma simo

i ne pâri-tamâta, anġa ipateanzi tamâta pinde ŋana ma simo ŋgua-tulâŋa tamâta. Ipateanzi tamâta pinde ŋana soka silâ lawea lawea situla pâri ara, anġa ipateanzi tamâta pinde ŋana sikai poe panzi i ne kalo-tawana tamâta ŋgu wa sipanananzi wa.

<sup>12</sup> Kirisi ne vetâŋa ŋinde ne duvi nde mine; i ilo tu Maro Kindeni ne tamâta rârâni ma sikura tu siveta wurâta sondu papa i, ŋana i ne ŋgu ŋinde nenzi kalo-tawana ma ikeno kaika nâ.

<sup>13</sup> Kinda ma taveta wurâta mine lee, ikura lâ zo muli ŋinde kinda ma naonda rege nâ tao nenda kalo-tawana ilâ mao nâ papa i. Lâ zo ŋinde, kinda ma tasama Maro Kindeni Natu kilala sondu. Ninenġa kinda ma tamo tatogonzi tamâta sondu, aku Kirisi kilala ma ipipi ndo lâ ilonda kalonda.

<sup>14</sup> Lâ zo ŋinde, kinda ma tamo tatogonzi lâlu puro-puro kilo, ande tia. Mine kala kinzi laŋeŋa tamwatanzi ma sikura tu siveta ŋgua kaŋa mona-mona ku silaŋe kinda kilo, ande ma tia. Kinzi uru siporo ŋgua laŋeŋa ku siyaula tamâta pinde nenzi kalo-tawana. Taitu lâ zo muli ŋinde, ande ŋgua kaŋa mine ma ikura tu itinġi kinda talâ wa tamâ wa, itogo lawea itinġi wânġa isakoko potomule mine, ande ma tia.

<sup>15</sup> Andeta ara ŋana kinda ma taporo ŋgua mao nâ, ŋana tu ŋine ma itula pwataki tu kinda tininda mwasa nâ panzi tamâta. Ambo kinda ma taveta mine, ande kinda ma tatumbu lee ku muli ŋga ma tapaipa ndo kuku Kirisi, ina kala imo kulu-kâmba panzi kalo-tawana tamâta ŋgu.

<sup>16</sup> Kinda tamo Kirisi ne tamâta, aku tamo

tatogo i kie-mbalau mwasina. Kinda karaenda ne tini pinde-pinde rârâni nde sipasenge lâ taitu, aku tukânda rârâni nde sisuka karaenda tu imandi kaika. Aku mine nâ, Kirisi imo kulu-kâmba pa i ne ngu kinda, aku isenge kinda rârâni tamo taitu. Mine kala miki kaloŋo nga; ambo kinda rârâni taitu-taitu ma tininda mwasa nâ panzi kalo-tawana tamâta wa kasukanzi wa taveta wurâta ikura Kirisi ipatea pa kinda wa, ande nenda kalo-tawana ma ikeno kaika ndo.

*Kinda kalo-tawana tamâta ma taveta vetâŋa wasaseki*

<sup>17</sup> Mine kala naŋa atu aporo ngua tonje pami. Naŋa akai Maro Njalae kawa ku aporo kaika mine tu miki ma kapaveta kuku kinzi tinikoa nenzi vetâŋa kilo ndimo. Kinzi nenzi ilo-kalo nde kelekele kaa nâ.

<sup>18</sup> Kinzi ilonzi kalonzi nde pasâsâe ndo lâ, aku ñine itogo kinzi simo lâ kondoma ilo. Kinzi ilonzi kalonzi tia ndo, aku tininzi pwâka tu sikai ilo-kalo ara kê. Mine kala kinzi simo piti ndo ñana via mao ñinde Maro Kindeni ilo tu ilanzi tamâta rârâni.

<sup>19</sup> Kinzi mainzi ñana vetâŋa uru siveta ñinde, ande tia ndo. Kinzi sipatambira warakanzi silâ ñana siveta vetâŋa sakamao nâ, aku ilonzi nde igagatinzi ndo ñana sipalulua warakanzi tininzi potomule nâ.

<sup>20-21</sup> Naŋa asama tu miki kaloŋo Kirisi parina marumbu lâ. Miki kaponu muli papa i lâ, aku kapanâna sondo ndo ñana Yesu ne ngua mao kê. Aku naŋa asama tu kinzi kalo-tawana tamâta



ɲandai sipananami ɲana kapaveta kuku tinikoa nenzi vetâɲa sakamao ɲinde ɲga.

<sup>22</sup> Kinzi sipananami ɲana kapu mulimi pa ilo-kalo siɲga ne vetâɲa. Ilo-kalo ɲinde nde uru ilaɲenzi tamâta, aku iveta ilonzi kâki ɲana siveta vetâɲa sakamao kâ, kala sipayaula. Mine nde kinzi kalo-tawana tamâta sipananami ɲana kapile ilo-kalo siɲga ɲinde,

<sup>23</sup> aku kasâu pa Maro Kindeni tu iveta ilomi kalomi ipâɲga wasaseki ndo.

<sup>24</sup> Aku sipananami ɲana kaponu muli pa ilo-kalo wasaseki, ilo-kalo ndainani Maro Kindeni iveta ipâɲga itogo i tamwata kilala mine. Ambo tamâta tonɲe ma ipono muli pa ilo-kalo ara ɲinde, ande tamâta rârâni ma simora pwataki tu ikai via mao marumbu lâ, ɲana tu i ma iveta vetâɲa rârâni sondu ku ara ndo lâ Maro Kindeni nao.

<sup>25</sup> Mine kala naɲa aporo kaika tu miki ma kapile nemi mâsi ɲana kaporo ɲgua laɲeɲa kâ, aku miki rârâni ma kaporo ɲgua mao nâ panzi nimi-nambwe kalo-tawana tamâta, ɲana tu kinda rârâni tamo see ɲgu taitu.

<sup>26</sup> Ambo noko wisi nâna, ande kupakatona sondu ɲga. Tia ma kuveta kiesaka. Ambo noko wisi nâna lee kari indue mbo, ande ɲinde ara tia ndo.

<sup>27</sup> Ambo noko wisi nâna ikura zo luandondo, ande ɲine itogo noko pwai nzâla piti pa Sadana ɲana ma imâ ilaɲeno ɲana kuveta kiesaka kâ.

<sup>28</sup> Aɲga miki panaweɲa tamwatami, miki ma kapanâwe kilo ndimo. Ara ɲana miki ma kaveta wurâta mao lâ warakami mbaumi. Ambo miki

ma kaveta mine, ande miki ma kagona mbumbu pinde, njinennga ma kakura njana kasukanzi sug-orai tamâta.

<sup>29</sup> Miki ma kawami kaporo njua soki kie-kie ndimo. Njua ara nâ ma ipânnga lâ kawami, ikura njana isukanzi tamâta ea silonjo nemi njua njinde. Ambo miki ma kaporo njua ara, ande njinde ma ivilanzi tinimi pinde.

<sup>30</sup> Ambo miki ma kaporo njua soki panzi tamâta, ande njinde ma iveta Koroani Sapânga ilo malia. Aku njinde ma ara tia ndo, njana tu Maro Kindeni munḡani io Koroani Sapânga imâ pami itogo i kilala mine, aku i uru itula pwataki tu miki kamo Maro Kindeni ne tamâta sonde. Mine nde miki kasama tu muli nga Maro Kindeni ma ikaimi kataulo kamâ kamo ara ndo kuku i.

<sup>31</sup> Miki ma kapile vetânga sakamao kie-kie mine; mâsi njana ilomi makisa kê, anḡa mâsi njana wisimi nâna kê, anḡa mâsi njana kapawa njua kê, anḡa mâsi njana kaporo njua pavaligiḡa kê. Miki ma kapaveta kuku vetânga potomule ndimo.

<sup>32</sup> Ara njana miki ma kalomi sukânga mao nâ panzi nimi-nambwe kalo-tawana tamâta, aku kaveta kemi ara nâ panzi. Ambo noko ninambwe tonḡe iveta soki pano, ande noko ma kuzavaru vetânga soki njinde piti lâ. Miki kalomi ngere sonde nga; miki kalomi tawana Kirisi lâ, aku njana nemi kalo-tawana njinde kê Maro Kindeni munḡani izavaru warakami nemi kiesaka piti mine nâ.

*Kinda ma toka lâ sinâla ne nzâla*

<sup>1</sup> Mine nde ara ñana miki ma kapaveta kuku vetâña rârâni Maro Kindeni ilo papa ñinde, ñana tu i ilo ndo keno pami, aku miki kamo i natu wukale.

<sup>2</sup> Miki ma kapaveta sondo ndo kuku tini-mwasa ne vetâña, itogo Kirisi tini mwasa ndo pa kinda kala io tamwata ne via ilâ pa mateña ñana ivila kinda kâ. I io tamwata ne via ilâ pa Maro Kindeni itogo patarawâña ne kuwae ara ndo mwasina, aku Maro Kindeni ilo ara ndo ñana patarawâña ñinde kâ.

<sup>3</sup> Miki kamo Maro Kindeni ne tamâta sapâña. Mine kala miki ma kapalulua tinimi potomule ndimo, aku ma kapaveta kuku vetâña muso kie-kie ndimo. Miki ma ilomi yosi pa tinimi pinde nenzi kelekele ndimo. Miki ma kandeka ku kaporo ñgua ara tini mwata nâ ñana vetâña sakamao kie mine ndimo.

<sup>4</sup> Aku miki ma kaporo ñgua sakamao wa ñgua kapa-kapa wa ñgua logi-logi sakamao wa, mine ndimo. Ñgua kaña mine nde ara tia ndo. Ara ñana kinda ma kawânda ndaŋge ñalae ilâ pa Maro Kindeni, aku ñgua kaña ara mine ma ikai ñgua sakamao kie-kie ñinde nia.

<sup>5</sup> Miki kalonjo sondo ñga; tamâta ea sipalulua tininzi potomule wa siveta vetâña muso wa ilonzi yosi pa tamâta pinde nenzi kelekele wa, ande kinzi tamâta mine ma sikura tu simo kuku ñgu ñinde Maro Kindeni kuku Yesu Kirisi rua uru sikai maro papa, ande tia ndo. Mâsi ñana ilonda yosi kâ nde irerege kuku mâsi ñana tawâŋgi tapaneanzi maro laŋeña kâ.

<sup>6</sup> Miki kapakatona sondo nga. Tia ma tamâta pinde silañemi ku siporo ngua mona-mona pami nana vetâña potomule njinde kâ. Maro Kindeni ne wisi-nâna ikeno panzi tamâta ea siveta vetâña potomule kie-kie njinde, kinzi njinde tananzi kaika papa i ne ngua.

<sup>7</sup> Mine nde miki ma tinimi piti ndo nana lajeña tamwatanzi njinde nenzi vetâña kâ.

<sup>8</sup> Muñga, ande miki warakami kala kamo kondoma ilo, taitu lâ zo njine miki kapaipa kuku Maro Njalae kala kamo sinâla ilo. Mine nde ara nana miki ma kamo katogonzi sinâla ne tamâta mine.

<sup>9</sup> Nana tu sinâla uru ipula kanaño ara nâ lâ tamâta ilonzi kalonzi. Mine kala siveta vetâña ara wa vetâña ipakura kuku Maro Kindeni ne ngua mao wa vetâña sondo ndo lâ Maro Kindeni nao wa.

<sup>10</sup> Aku ara nana miki ma kapanâna nana vetâña ndia Maro Njalae ilo papa njinde tona.

<sup>11</sup> Miki ma tinimi piti ndo nana kondoma ne vetâña kaa kaa tamâta pinde uru siveta njinde. Vetâña kie mine uru ipula kanaño ara lâ tamâta ilonzi kalonzi, ande tia. Ara nana miki ma katula vetâña kie mine kilala pwataki panzi tamâta.

<sup>12</sup> Andeta naña tiniñgu pwâka tu atula ngua nana vetâña sakamao uru sipavea ku siveta njinde. Naña maingu nana aporo ngua nana vetâña kie mine.

<sup>13</sup> Taitu sinâla itula vetâña rârâni kilala pwataki.

<sup>14</sup> Aku lâ zo nana sinâla isinala nia kondoma kâ, ande kondoma njinde ma ipañga itogo sinâla

mine. Mine kala ngua tonje ikeno mine tu,  
 “Noko tamâta ndai, nokoni kala uru pweno mata  
   nâ, ande kumandi sânda tâ! Ambo noko  
   ma kumandi lâ mateja nianzi kumo via  
   kilo, ande Kirisi ne sinâla ma ipaneno.”

<sup>15</sup> Mine nde miki ma kapakatona sondo ñana nemi vetâña kâ. Miki ma kamo katogonzi tamâta ñinde nenzi ilo-kalo tia, mine ndimo. Ara ñana miki ma kamo katogonzi tamâta simo tava nenzi ilo-kalo ara,

<sup>16</sup> ñana tu zo kala kinda tamo ñine, ande kiesaka ne zo. Mine nde ara ñana miki ma kaveta vetâña ara nâ ikura zo zo. Tia ma zo ñine ilâ kaa nâ.

<sup>17</sup> Mine nde miki ma kapakatona sondo, aku kapaveta kuku vetâña kapa-kapa ndimo. Ara ñana miki ma kapanâna ñana vetâña ndia Maro Ñalae ipatea pami ñinde.

<sup>18</sup> Miki ma kanu lââ kaika ñalae ku kadauda ndimo, ñana tu vetâña kie mine ma iyaula miki ndo. Ara ñana mâsi ñine ma ikai dadauña ne mâsi ñinde nia; miki ma kao ilomi kalomi ilâ pa Koroani Sapâña, ñana i ma ipipi ndo lâ ilomi kalomi ku ikai poe sondo pami.

<sup>19</sup> Lâ zo ndia miki kaporo ngua kunzi nimi-nambwe kalo-tawana tamâta pinde, ande ara ñana miki ma kakai ngua pinde ikeno lâ wângiña paneâña kâ tava wângiña pinde Koroani Sapâña itula lâ ilomi kalomi, aku kaporo ngua kaña mine panzi. Aku lâ zo ndia miki kawângi wângiña paneâña kâ pa Maro Ñalae, ande miki ma kaveta mine tava ndekâña wa paneâña wa.

<sup>20</sup> Aku ikura zo zo, miki ma kaporo kawami ndanġe ilâ pa Tamânda Maro Kindeni lâ nenda Maro Njalae Yesu Kirisi ŋa, ŋana vetâŋa ndia rârâni ipânġa pami.

*Paulo iporo ŋgua panzi tamâta sipakâe lâ*

<sup>21</sup> Miki uru kamege ŋana Kirisi kâ. Mine nde ara ŋana miki taitu-taitu ma kapatawa warakami tinimi ku kamo kalo-tawana tamâta rârâni kalonzi.

<sup>22</sup> Miki taine, miki ma kapatawa warakami tinimi ku kaponu muli pa kaiwami tamâne kawanzi ŋgua, itogo uru kaveta pa Maro Njalae mine.

<sup>23</sup> Njana tu tamâne imo kulu-kâmba papa kaiwa taine, itogo Kirisi imo kulu-kâmba panzi kalo-tawana tamâta ŋgu mine. Aku Kirisi tamwata imo kindâ kalo-tawana tamâta ŋgu nenda Yautâŋa Tamwata, kindâ ŋine kala tamo tatogo i kie-mbalau mine.

<sup>24</sup> Kinda kalo-tawana tamâta uru tapatawa warakânda tininda ku tamo Kirisi kalo. Aku ara ŋana miki taine kala ma kapatawa warakami tinimi mine nâ ku kamo kaiwami tamâne kalonzi ikura zo zo.

<sup>25</sup> Anġa miki tamâne, miki ma tinimi mwasa ndo panzi kaiwami taine, itogo Kirisi tini mwasa ndo panzi kalo-tawana tamâta ŋgu mine. Muŋġa Kirisi ne tini-mwasa ŋinde igagati i ŋana io tamwata ne via ilâ pa mateŋa ŋana ivilanzi kalo-tawana tamâta.

<sup>26</sup> Mao nâ, ipile tamwata ne via ŋana ivetanzi ne kalo-tawana tamâta ŋgu simo ilonzi mbâra-mbâra. I muŋġa itula Maro Kindeni kawa ŋgua

panzi ngu ninde, aku ililinsi lâ lâ nana izavaru kiesaka ne muso piti lâ ilonzi kâ.

27 I ne vetâna ninde nde duvi mine; i ilo tu ma ikai ngu ninde papa i tamwata. Mine kala ivetanzi simo ara ndo, itogo taine taipa tonje i tini wa ilo ndoni nde zuzuli ndo, aku ne soki tonje tia.

28 Aku miki tamâne kala mine nâ, miki ma tinimi mwasa ndo panzi kaiwami taine, itogo uru tinimi mwasa pa warakami karaemi mine. Ambo tamâta tonje tini mwasa ndo papa i kaiwa taine, ande i uru tini mwasa pa tamwata tona.

29 Kinda tasama tu tamâta uru sikai kazâna pa warakanzi karaenzi, ande tia ndo. Kinzi uru sisua warakanzi karaenzi ku sikatona sondo ndo, itogo Kirisi kala iveta pa kinda kalo-tawana tamâta mine.

30 Nana tu kinda tamo tatogo Kirisi kie-mbalau mwasina.

31 Maro Kindeni kawa ngua ikeno lâ pepa tini mine tu, “Mine kala tamâne ma ipilenzi tinatama ku ipasipa kuku kaiwa taine, aku kinzi rua ma sipânnga itogo karaenzi taitu nâ mine.”

32 Ngua njalae tonje ikeno paveâna nâ lâ Maro Kindeni ne ngua ninde ilo. Nana warakângu ilongu patea tu ngua nine nde ngua siâna nana Kirisi tavanzi ne kalo-tawana tamâta ngu.

33 Taitu ngua nine nde iyoke miki tona. Miki tamâne taitu-taitu ma tinimi mwasa ndo panzi kaiwami taine, itogo tinimi mwasa pa warakami mine. Aku miki taine taitu-taitu ma kamege nyananzi kaiwami tamâne.

## 6

*Paulo iporo ngua panzi lâlu wa tinanzi tamanzi wa*

<sup>1</sup> Miki lâlu, miki ma kalomi ngere nana Maro Njalae kâ, aku kaponu muli pa tinami-tamami kawanzi ngua. Vetâna mine nde vetâna sondu ndo.

<sup>2</sup> Nana tu Maro Kindeni kawa ngua ikenu lâ pepa tini mine tu,

“ Miki ma kamege nananzi tinami-tamami, aku kaveta ikura nenzi ngua mine”.

Ngua tukuña ninde nde imuŋga panzi ngua tukuña pinde rârâni nana itula ngua pâna tonje tona. Ngua pâna ninde nde ikenu mine;

<sup>3</sup> “Ambo miki ma kaveta mine, ande miki ma kamo ara, aku ma kamo zo luandondo lâ tâno nîne kulu.”

<sup>4</sup> Anja miki lâlu ninde tamanzi, ande miki ma kavetanzi natumi wisinzi nâna pami, mine ndimo. Miki ma kakatonanzi sondu lâ Maro Njalae nao, aku katula nzâla ara panzi ku kapananzi, ikura Maro Njalae ipatea pami mine.

*Paulo iporo ngua panzi tamâta uru siveta wurâta koa tia nâ wa kinzi tamâta nalanala wa*

<sup>5</sup> Anja miki tamâta ea uru kaveta wurâta koa tia nâ panzi tamâta nalanala, miki ma kapaloŋo pa nemi koipu ninde nenzi ngua, aku kamege ndo nananzi. Miki ma kamege mao nâ nananzi, aku kakai lanjeña panzi ndimo. Aku miki ma kaveta wurâta ara nâ panzi ikura zo rârâni, itogo uru kaveta pa Kirisi mine.



<sup>6</sup> Zo pinde miki nemi tamâta ñalañala simo kumi ku silea pa nemi wurâta, aku miki uru kapaloño pa nenzi ñgua, ñana tu miki ilomi tu kinzi ma ilonzi ara pami ñana nemi wurâta kâ. Taitu ara ñana miki ma kaveta wurâta ara mine nâ lâ zo ndia kinzi simo malawae ñanami tona. Miki kamo Kirisi ne wurâta tamâta; mine nde miki ma kamandi kaika aku ilomi ndeka ñana kaveta vetâña ndia Maro Kindeni ipatea pami.

<sup>7</sup> Miki ma ilomi ara nâ ñana kaveta wurâta koa tia nâ panzi nemi tamâta ñalañala, ñana tu miki ñandai kaveta wurâta panzi tamâta nâ; miki kaveta wurâta papa Maro Ñalae tamwata tona.

<sup>8</sup> Miki kalomi ñgere sondo ñga; Maro Ñalae ma kulu ara ilanzi tamâta rârâni siveta nenzi wurâta ara. I ma iveta kie taituni mine panzi tamâta ea sikai mbaliña lâ nenzi wurâta tini, sitavanzi tamâta ea siveta wurâta koa tia nâ.

<sup>9</sup> Anğa miki tamâta ñalañala, miki kala ma kaveta kemi ara nâ panzi tamâta rârâni uru sikai wurâta koa tia nâ pami ñinde. Miki ma kapile mâsi ñana kaveta ruruña panzi kâ. Kalomi ñgere sondo ñga; Maro Ñalae imo samba ilo, aku inani ikai maro pa miki wa kinzi wa. I uru iveta vetâña kie taituni panzi tamâta rârâni.

*Kinda kalo-tawana tamâta tamo tatogonzi zugu tamâta mine*

<sup>10</sup> Ayo, kala ñine naña ma aporo ñgua mbuku taitu ñine, ñinenğa nanenğu ñgua rârâni ma marumbu. Miki kapaipa kuku Maro Ñalae lâ, aku i ne walo kaika uru isukami ñana kamandi

kaika kâ. Miki ma kasaŋa i ne walo kaika ŋinde ndindi nâ.

<sup>11</sup> Miki ma kasawa paraŋa ne siŋgâra rârâni Maro Kindeni ilua kinda, ŋana miki ma kakura tu kamandi kaika lâ zo ndia Sadana itu ikai kazâŋa pami.

<sup>12</sup> Miki kalomi ŋgere sondo ŋga. Kinda ŋandai tapara kunzi tamâta ŋga; kinda tapara kunzi koroani saka kie-kie, kinzi ŋinde simo tava nenzi kaika lâ nia maa ku sikai poe panzi tamâta lâ kondoma ne zo sakamao ŋine.

<sup>13</sup> Mine nde miki ma kakai paraŋa ne siŋgâra Maro Kindeni ilami ŋinde, aku walele nâ kasawa ŋinde rârâni lâ tinimi! Ninenŋa lâ zo ndia vetâŋa sakamao ma imâ ipâŋga pami, ande miki ma kakura tu kamandi kaika ku kapara kuku nenda kazâŋa tamâta. Aku lâ zo ŋana paraŋa ma marumbu kâ, ande miki ma kamandi kaika yo kamo ŋai.

<sup>14</sup> Ambo miki katu kamandi kaika, ande miki ma kaveta mine; miki ma kakai ŋgua mao ŋana Maro Kindeni kâ ikeno kaika lâ ilomi kalomi, itogo zugu tamâta ipa wâlo lâ kambwane mine. Aku miki ma kapaveta kuku vetâŋa arara rârâni Maro Kindeni ilo papa ŋinde, itogo zugu tamâta isawa pasawaŋa “kapa” ipono kondondoni mine.

<sup>15</sup> Aku miki ma kaluku ŋana katula pâri ara ŋana Maro Kindeni ne wisi-pisi kâ, itogo zugu tamâta isawa kie kâmba lâ kie ŋana imandi kaika lâ paraŋa ilo.

<sup>16</sup> Aku ikura zo rârâni, miki ma kasaŋa nemi kalo-tawana kaika ku kalâ paraŋa ilo, ŋana tu nemi kalo-tawana ŋinde nde itogo nemi mara-

muḡa mwasina. Ambo miki ma kaveta mine, ande miki ma kakura tu kapupu silâwa ndia Sadana io yââ lâ tini ku ipane imâ pami ḡinde.

<sup>17</sup> Aku miki ma kalomi ḡgere sondo ḡana ḡine kâ; Maro Kindeni iyautemi piti lâ kondoma ilo marumbu lâ. Ambo miki ma kalomi ḡgere ḡana ḡinde kâ, ande ḡinde ma ikea ḡana nemi ilo-kalo, itogo sambara “kapa” ikea ḡana zugu tamâta kulu kâmba mine. Aku miki ma kasaḡa Maro Kindeni kawa ḡgua kaika ndindi nâ, ḡana tu ḡgua ḡinde nde itogo Koroani Sapâḡa ne pila ḡalae ḡana kazâḡa kâ.

<sup>18</sup> Lâ zo ndia miki kasawa paraḡa ne singâra ḡinde ndoni lâ tinimi, ande miki ma kakai noḡa pa Maro Kindeni tu ma ivilami. Aku ikura zo zo miki ma kakai noḡa ikura Koroani Sapâḡa igagatimi tu kaveta mine. Miki ma kakai wulitia ḡana kano pa Maro Kindeni kâ ndimo. Ambo miki ma kalomi ḡgere sondo ḡana ḡinde kâ, aku kakai noḡa pa Maro Kindeni ikura zo rârâni tu ma ivilanzi ne tamâta, ande ḡinde nde ara ndo.

<sup>19</sup> Aku naḡa ilonḡu tu miki ma kano pa Maro Kindeni tu ma isuka naḡa tona. Ara ḡana miki ma kano papa tu i ma io ḡgua ara nâ lâ kawâḡgu, lâ zo ndia naḡa amandi ḡana atula i kawa ḡgua pwataki. Ambo i ma isuka naḡa mine, ande naḡa ma akura tu atula pâri ara ne ḡgua paveâḡa ḡinde pwataki, aku rurunḡa ne mâsi ma ikeno piti ndo ḡanana.

<sup>20</sup> Yesu Kirisi tamwata isupwa naḡa alâ ḡana akai i ndamwa ku atula pâri ara ḡinde kâ. Taitu kala ḡine naḡa amo luma sakamao ilo ḡana nanenḡu wurâta ndainani nâ. Mine nde naḡa

ilonḡu tu miki ma kano pa Maro Kindeni tu ma ipu tini kaika pa ilonḡu kalonḡu. Ninenḡa naḡa ma amandi kaika atula pârî ara ḡinde panzi tamâta, ikura i ne pateâḡa mine.

*Paulo ino pa Maro Kindeni tu ma iveta kie ara panzi Efesus ḡḡu*

<sup>21</sup> Tikikus ma imâ itapârî pami ḡana vetâḡa rârâni ipânḡa pa naḡa lâ. I nde kinda ninda-nambwe, aku maka iloma ara nâ papa i. I uru iveta wurâta pa Maro Nalae, itogo maka uru kaveta mine, aku i ne wurâta ḡinde nde ipânḡa ara ndo.

<sup>22</sup> Mine kala naḡa asupwa i imâ pami, ḡana miki ma kasama ḡana maka nema saḡonâḡa wa moḡa wa. Naḡa ilonḡu tu i ne ḡgua ḡinde ma ipu tini kaika pa ilomi kalomi.

<sup>23</sup> Kinda Tamânda Maro Kindeni kuku Maro Nalae Yesu Kirisi rua ma siveta nima-nambwe kalo-tawana tamâta miki kamo tava wisimi pisi nâ. Aku kinzi rua ma sipu tini kaika pa nemi kalo-tawana, ku ma siveta tinimi mwasa ndo panzi tinimi pinde tona.

<sup>24</sup> Maro Kindeni ne wisi-wisi imo kunzi tamâta rârâni ḡine sio ilonzi ndo ilâ pa nenda Maro Nalae Yesu Kirisi ikura zo zo.

**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 18 Apr 2025 from source files dated 31 Aug 2023

b3b81168-89df-5bc3-8b0c-cf72ef93d3de